

SIARAN AKHBAR

TH: KEPENTINGAN PENDEPOSIT TERPELIHARA DAN AKAN DITAMBAH BAIK

KUALA LUMPUR, 18 Julai 2021 – Pelbagai pandangan telah disuarakan tentang pengumuman Kerajaan ke atas Lembaga Tabung Haji (**TH**). Ini menggambarkan keprihatinan semua pemegang taruh terhadap **TH** sebagai institusi unggul dalam pengurusan jemaah haji dan **TH** amat menghargai semua pandangan ini.

TH ingin memberi jaminan kepada umat Islam khususnya 8.3 juta pendepositnya bahawa **TH** akan mengesyorkan:

- Hak mutlak pengurusan dan operasi Haji terus kekal bersama **TH**;
- Jaminan kerajaan ke atas deposit di **TH** di bawah seksyen 24 Akta Tabung Haji tahun 1995 terus kekal untuk kepentingan para pendeposit;
- Penglibatan **TH** dalam sektor ekonomi berdasarkan tadbir urus, pengurusan dan operasi yang utuh;
- **TH** akan terus membuat penambahbaikan dari segi tadbir urus, pengurusan, operasi, dan pelaburan untuk kepentingan para pendeposit;
- **TH** terus kekal relevan melalui usaha-usaha dan inisiatif-inisiatif ini; dan
- **TH** akan berkerjasama dan terlibat dalam kajian Jabatan Perdana Menteri, Kementerian Kewangan dan Bank Negara Malaysia demi kepentingan para pendeposit dan **TH** sendiri.

TH ingin memaklumkan bahawa cadangan penambahbaikan pengurusan dan operasi **TH** yang merangkumi kajian oleh Jabatan Perdana Menteri, Kementerian Kewangan dan Bank Negara Malaysia, mahupun perlaksanaan Suruhanjaya Siasatan DiRaja – tidak akan mengganggu urusan harian pendeposit mahupun urusan berkenaan operasi **TH**. Operasi harian **TH** akan berjalan seperti biasa.

Semenjak penubuhannya pada 1963, **TH** telah berkembang dari jumlah deposit hanya kira-kira RM46,000 kepada hampir RM82 billion pada hari ini. Ini adalah paras yang tertinggi dalam sejarah penubuhannya lebih 58 tahun yang lalu dan menggambarkan keyakinan dan kepercayaan rakyat dan pendeposit terhadap **TH**.

TH kini berada pada landasan yang baik dengan kedudukan kewangan yang lebih kukuh dan stabil. **TH** juga sedang dan senantiasa memberikan perkhidmatan terbaik kepada pendeposit dimana lebih 80 peratus transaksi kewangan dilakukan secara dalam talian.

Keyakinan dan kepercayaan ini adalah satu amanah yang amat berat dan **TH** perlu sentiasa berusaha untuk menambah baik dan mengukuhkan tadbir urus dan operasinya bagi menjaga kepentingan pendeposit.

Atas keperluan tanggungjawab ini, Kerajaan telah mencadangkan untuk menambah baik pengurusan dan operasi **TH** secara menyeluruh dan ini akan melibatkan cadangan dasar model baharu operasi **TH** dan semakan pindaan Akta Tabung Haji 1995.

Cadangan model baharu operasi **TH** tersebut akan diteliti secara bersama oleh Jabatan Perdana Menteri, Kementerian Kewangan Malaysia, Bank Negara Malaysia (BNM) dan **TH**.

TH menyarankan agar kajian menyeluruh oleh Jabatan Perdana Menteri, Kementerian Kewangan, Bank Negara Malaysia dan **TH** perlu dibuat untuk menilai model operasi baharu yang dicadangkan, di samping mengambil kira kapasiti sedia ada **TH** termasuklah aset, liabiliti, kepakaran sumber manusia, dan lain-lain.

Aspek tadbir urus, integriti dan reputasi **TH** sebagai institusi simpanan kewangan Islam amat penting bagi memastikan keyakinan dan kepentingan orang ramai terjamin khususnya para pendeposit.

-Tamat-

LEMBAGA TABUNG HAJI

Lembaga Tabung Haji (**TH**) merupakan sebuah badan berkanun yang ditubuhkan oleh Kerajaan Malaysia pada tahun 1963 dan ditadbir berdasarkan Akta Tabung Haji 1995 (Akta 535). **TH** menyediakan kemudahan bagi umat Islam di negara ini merancang simpanan bagi menunaikan ibadat haji.

Sebagai sebuah institusi haji terunggul negara dan mempunyai lebih 58 tahun pengalaman, **TH** sentiasa berusaha menyediakan perkhidmatan yang komprehensif dan sistematik demi menjaga kebijakan jemaah haji Malaysia (tidak termasuk urusan umrah). Selain diberi tanggungjawab dan amanah untuk menguruskan simpanan pendeposit serta urusan haji yang efisyen, **TH** turut menjalankan aktiviti pelaburan dalam dan luar negara yang berlandaskan syariah bagi memberi nilai tambah kepada simpanan para pendeposit.

Pencapaian **TH** yang konsisten ini telah mendapat pengiktirafan dunia sebagai model pengurusan haji inovatif dan mempunyai hampir sembilan juta pendeposit serta 123 cawangan dengan lebih 10,000 'touch-points' di seluruh negara. **TH** turut mempunyai sebuah pejabat yang beroperasi di Jeddah, Arab Saudi di bawah Konsulat Malaysia.

Untuk maklumat lebih lanjut mengenai perkhidmatan **TH**, sila lawati www.tabunghaji.gov.my atau hubungi talian Khidmat Pelanggan (THCC) di talian 03-6207 1919. Keterangan lanjut mengenai siaran akhbar ini, sila hubungi:

Affan Aimaduddin Azami Penolong Pengurus Bahagian Komunikasi Korporat Lantai 16, Menara TH Tun Razak 201 Jalan Tun Razak Kuala Lumpur Tel: 03 2054 2238 Tel. Bimbit: 019 984 7138 Faks: 03 2164 0436 Emel: affan.aimaduddin@lth.gov.my	Mohamad Naser Jaffar Pengurus Kanan Bahagian Komunikasi Korporat Lantai 16, Menara TH Tun Razak 201 Jalan Tun Razak Kuala Lumpur Tel: 03 2054 2451 Tel. Bimbit: 019 200 8438 Faks: 03 2164 0436 Emel: naser@lth.gov.my
---	---